

**Kecam pelantikan pemimpin BN ke GLC, Anwar sifatkan 'upah' pilihan raya**  
**Malaysian Insider**  
**July 9 , 2013**

Datuk Seri Anwar Ibrahim menyifatkan pelantikan beberapa pemimpin Barisan Nasional (BN) dalam syarikat berkaitan kerajaan (GLC), sebagai 'upah' pilihan raya.

Mengecam pelantikan berkenaan, Ketua Pembangkang itu pada sidang media di Parlimen, hari ini turut menggesa bayaran kepada mereka didedah kepada umum.

"Kita lahirkan kebimbangan terhadap pelantikan bekas menteri dan timbalan menteri dalam Kabinet yang berlebihan sebagai ganjaran.

"Terlalu ramai yang diberi upah begitu besar. Kalau tak layak, tak payahlah lantik jadi penasihat atau apa-apa jawatan," katanya.

Beliau merujuk pelantikan beberapa bekas menteri dan timbalan menteri dalam GLC, antaranya Tan Sri Rais Yatim, Datuk Seri Ng Yen Yen, Datuk Abdul Azeez Abdul Rahim dan beberapa lagi.

Antara yang terbaru, Rais sebagai Presiden Universiti Islam Antarabangsa Malaysia (UIAM) dan Ng (Pengerusi Tourism Malaysia) dan Abdul Azeez (Pengerusi Lembaga Tabung Haji).- 9 Julai, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/kecam-pelantikan-bekas-menteri-ke-glc-anwar-sifatkan-upah-pilihan-raya/>